

温山文詩

下

和10
1568
9止

早稻田大學附屬
圖書館
寄第
第 號
第 卷
此書館不外許帶出



和
1568
3止



温山文卷下

島原 川北重喜儀卿 著

墨河泛舟送別賦 以題為韻送古賀穀堂

伊流水之瀕浴。寫離情之悽惻。祖帳爰設。聊借馮夷之宮。陽關乃歌。將徂太昊之力。遠溯中流。漪瀾大觀。庶類蕃殖。託情于短毫。摘藻於淡墨。時維駘蕩。後花朝。俄頃境則曠荒。違光宅。幾何雲氛。氳始散。日炳耀方和。二州危樓。比櫛三义。輕舸飛梭。松塢梅莊。占隱

幽之別墅。偉華芳。禧被坦迤之長坡。都人絡繹而行。
尋芳鬪草。騷客踟躕。以集闌醉高歌。白馬之津。匹練
斜來。鑿石金龍之塔。巨鱗倒落。趨河老柳。鬢鬢疑懸。
阿母綢繆。閑鷗鷺。寧問中郎悔。懺官軍群呼而渡。
武威誕。覃皇子。遙顧以瞻。王化濛汜。芳辰代旺。靜翫
物光之新。逝水不留。幾傷世變之颿。憑弔之懷。萬頃
不窮。汗漫之游。一葦輕泛。馳曦漸春。嶽雪聳肩。酉位
返景還射。筑嵐濺裔。上游楫響。屢遷飄然。不知情適。
市囂奠隔。徒爾益覺境幽。擊清覽以相謔。舉巨觥而

互酬。詠歸當比。曾點鼓瑟。惜別遂追。李膺行舟。華舳
題詩。把筆各違。依仙舷。緬思牽衣。何倥傯。賓有富歸
之榮。王無貧別之痛。暮雲溶洩。泰山想太白之歌。春
水渺茫。南浦嘲文通之夢。薰陶相歎。豈如蘇李之離。
憂教誨。競投欲擬。回由之處。送篙手促歸兮。晚水波
釣徒將罷兮。餘霞晰林霏。撲面兮。兩眸寒空翠。襯頭
兮。雙耳熱。祖宴殘兮。惜離羣。征衿冷兮。憐單不。一朝
之驩。刻意而為斯篇。數日之惡。銷魂應由此別。

良齋曰。律賦之妙。至清人極矣。邦人鮮能作之者。蓋為聲律所拘。其意不能暢。此賦意雋而語圓。如

珠玉走盤讀
之奕然自失

徙居有感

生為善病人。臨食常嘔吐。加之貧且窶。日承世人侮。
萬事無所成。幽憂祇自苦。年甫十有五。立志向鄒魯。
妙齡列門蔭。薄俸蒙任補。恰似吞舟魚。俯首就網罟。
方壯失所恃。猶弱喪所怙。了立志益堅。徧探詩書府。
抗然藩邸中。世教謀拘拄。時運其如何。若日將過午。
上下皆危疑。嘖嘖口徒咻。藩主事勤儉。脩飾理紛縷。
恩迴春天風。惠暴夏日雨。廟祀祖先饗。嶽瀆鬼神舞。

舉彼紛紛說。紅爐雪一炷。病夫逢此時。謬為鷓鴣伍。
官叨辱樞機。學僅張門戶。慨然有所懷。謀議傾肺腑。
眇眇散樗資。何能當良棟。譬如把蒿條。來支大廈廡。
靜言思顛末。長歎胸幾撫。西州有知己。諭予專考古。
東都人文叢。有矍又有矩。逍遙孔孟衢。直窺堯舜宇。
傍遊文墨場。玫瑰任手取。江湖欲抽身。不忍負賢主。
但修封邑史。未足答化煦。百爾不遺予。珷玞比瓊瑤。
寵秩亦屢加。無由卧萊菴。徙居公園隅。花卉手自樹。
退食堪養疴。飲酒日嘖嘖。

磐溪曰一篇
溫山子小傳

不忍池避暑與伊澤辭安同賦

豈啻逃炎熱兼愛世事疎
蓮花如張燭蓮葉大如車
花葉千萬點襪襠滿清瀦
粲如布錦繡爛如散瓊琚
清風吹花至兩腋香有餘
我聞清淨界人間煩惱虛
倚欄觀現相即是仙佛居
玉塔彈指現紫雲頃刻舒
天女奏妙音神龍驅毒魑
池即功德水坐是金仙閣
加陵頻伽鳥宛轉遶階除
余未脫塵絆何自至真如
始來恍猶夢坐久慮漸攄
吉祥閣聳立琉璃殿負岨

知是東山下同醉一酒廬

半陶曰押韻自在
堂曰如讀東坡詩

永峯坊公園小集

少小耽泉石志在白雲隈
塵羈未全解官途在徘徊
驪山公園在聊得好懷開
杪秋風霜慘百卉日夜摧
招邀皆良友撫景斟新醅
瀾語間戲謔酣醉各喧唼
尋詩攀危石投竿坐綠苔
山迎夕陽紫水帶昨雨迴
已逃名利境頓覺宇宙恢
一聲山鐘響暮色自遠來

九月十二夜小笠原信南招飲圓城院賞月與

伺菴先生青木大野二君熊本辛島鹽井會津
牧原半陶俱得月字

都門八百衢。何處無明月。絲竹及歌謳。瓊臺又金闕。
雜遝鬪繁華。縱橫相搪突。更無立錫地。可以坐清樾。
城隅境漸高。灌莽孤丘屹。深流匯為池。佳樹暗蕪沒。
在昔官布金。創寺開山窟。祀壇驅群魔。香火掣毒蠱。
不使世塵侵。足教詩情發。緇流雜巫家。等級競門閤。
淨院名圓城。枕水負山堀。禪扉鎖雲幽。刹竿摩天揭。
最多寬酒禁。腥葷入門縶。是時方季秋。鴉鳴衆芳歇。

蓮敗水愈清。林疎山露骨。引人遊者誰。笠翁被華髮。
生平何所為。不屑耕與學。聖學醫師扁。俞洞視寒熱。厥
手提鴻術囊。足踏龍縵襪。靈液回死生。密論剖絲忽。
時或談玄理。如懸河不竭。儼然劉先生。端坐吟拄笏。
隆隼龍顏孫。炎德今猶淳。業已張孔門。未曾歎墨突。
氣養孟軻浩。功朝曾西艱。東肥辛島子。文麗而口訥。
研究老益壯。終年勒屹屹。大藩執牛耳。羣英隨啞咄。
君恩眷顧深。長鋏車有軌。唯憾及瓜時。分袂為胡越。
青野二秀才。泱泱清不涸。學問有淵源。孝感抵溟渤。

措法兼草聖。拂絹墨痕醇。予也托末交。折簡煩匆卒。
更拉收半陶。相携晚通謁。綵絲寒光搖。溫酒煨楮。拙
詩有水甌。清酒無金谷。罰評文互誼。譁說經或排。訐
澄潭潑。潛鱗危巢驚。棲鶻老天妬。此遊掩月頑。雲勃
急雨濺。冷杯空翠到。殘核闇黑夜。將闌賞心為。惛惛
懽樂固難常。世途多顛蹶。武野舊荒曠。月前走獫狁。
太平惠澤洽。煦煦完獠狻。未知轉一機。桑海變倉猝。
苟欲審此言。豈不憚剝剔。歎息與懽忻。交至意恍惚。
何異杞國人。殷憂如含噉。請題同遊名。拭石附剝劂。

磐溪曰。風。風大作。非
纖弱。詩人所能辨。

至日送河島士讓歸本藩

今日禁行旅。歸思何懂懂。送子還故國。憶吾昔離群。
迢迢三千里。鴻音不可聞。豈圖萍水會。此地復懽忻。
相對說離合。情至言難文。紛紛不盡意。寄在函谷雲。
斤山香雪曰。起二
句一解頗有古意。

其二

一線猶未添。悽風夕陽沈。離堂絲竹罷。燭淚向君深。
前峯黃雲碎。釀雪落庭陰。明朝君且發。素華滿君衿。

醉語不成韻。縱飲為知音。何歲重相會。共說此夜心。

磐溪曰二首共古意
古調有晉唐遺韻

患耳

患耳還病目。剩看鬢將皓。妻諫飲酒劇。醫禁讀書多。
况逢梅霖淫。蓬門絕經過。更無消閑具。如此長夏何。
強欲緜細快。抱卷手徒摩。暫聞傍人語。語路苦易訛。
自知渾沌子。天真終不磨。

自熊本抵福岡途中口號

西州千里路。扈駕常栖栖。雖往山水間。未曾味一巒。

今日始單行。名山縱攀躋。但有囊及索。不問輒與輒。
一醫一浮屠。逐真相提携。隨處俱懽樂。遊息無端倪。
飄然身羽化。撫景望欲迷。秋高筑南北。山隔肥東西。
薄醉從昏鴉。蓐食先曉雞。燈光尋野寺。人跡入霜蹊。
嗟予自遺世。世豈與我睽。空席思孔墨。任達擬阮嵇。
能遠名利域。始覺物我齊。眼中奇山富。漫然入詠題。
行抵博多海。海濱駐杖藜。誰可與語者。龜家有狡狴。
修經專證古。靜夜獨燃犀。偶爾聞講說。雄辯氣吐霓。
聖人不復興。糟粕屬無稽。久矣豪邁士。門戶互訶詆。

居焉意已倦。振衣步長堤。四郊秋漸晚。無處不慘悽。
海水何瀟灑。昏黑硯發驚。維昔元寇至。百萬轟鼓聲。
一夜大風起。朦朧忽傾擠。舉彼長髯客。空為觸藩羝。
東詣太宰府。府趾卉木萋。但有管公祠。巍然負山谿。
嗚呼公之德。何遭聖王憐。群小織貝錦。萋兮又斐兮。
謫在萬里外。風塵衝冠笄。千古天定後。禋祀饗黔黎。
回首四王嶺。陣跡寒蛩啼。欲訪木丸殿。稻梁露淒淒。
觀音寺裏鐘。舊音夕陽低。徬徬將何適。臨水渡危梯。
茅店認青帘。拋盡杖頭齋。一酌忘今古。醺醺醉如泥。

磐溪曰一篇
有韻記文

歲晚書懷五首

永夜霜威肅。病骨最先知。寒燈吹殘夢。耿耿照憂疑。
此時不交睫。轉輾有所思。我生天地間。幸免作支離。
不為天下法。欲為一世師。立行已易躋。脩辭又頗疲。
猶餘少壯氣。俛焉期營為。如何光陰過。徒抱窮年悲。
大欲如無欲。大憂如無憂。憂小都不顧。一任他人愁。
所欲在遠大。小欲使人求。當難難自解。避艱艱弗休。
艱難余自適。不敢輸侶儔。斯道老始得心身。相與優。

微霰撲板軒。隨風夜灑灑。起坐窺中庭。白玉迸籬下。
 拾來且愛玩。漸盡隨手瀉。造物亦已然。人工何為者。
 鏡花幻中幻。水月假之假。達人見富貴。無復意取舍。
 心外無別法。此是釋氏言。彼偏認靜處。拋却動用源。
 天一動生水。地二火燉燉。人心發動時。水生火畔援。
 耻則汗溢背。赧顏熱神魂。哀則淚濕眼。氣焰心頭煩。
 食色二欲動。涎腎暗轉注。前聖剖倫理。卦畫闡天元。
 未發乃戒懼。已發能操存。茫茫天地際。舍此入何門。
 仙人誘予說上界。命迎君君本非凡。骨其速駕紫雲。

予向仙人謝相求。何殷勤。予生太平世。祿仕代耕耘。
 寡妻能內助。阿兒頗解文。一婢與一僕。日夜相懽欣。
 寢則布被暖。覺則淳酒醺。彼哉長生術。予固所惡聞。
 仙人太息坐。少焉且云云。君修何功德。娛樂至十分。
 下界誠如此。悔我入仙羣。

警溪曰。未一首類焉。自放最見悟道之妙。

後歲晚書懷五首

飢鴉集寒林。蕭蕭日既夕。槭槭風死時。窗櫺餘虛白。
 志士驚歲除。愧為筆硯役。獨笑且放言。聊以此自適。

金吾廳事露其味美於飴。天顏有喜色。舉朝且恬熙。
 守澄及訓注。上意總揣知。勢威相俱盛。唐改革於茲。
 祥瑞詎裨世。天心素無私。不見聖明代。水曠亦開基。
 大禹能敷土。隨山而刊木。使木苟繁蕪。水精常在陸。
 刊木不隨山。山谷多虺蝮。龍蛇先遠去。地上山皆禿。
 水勢自然殺。取次浚溝瀆。此事甚易知。何須用習熟。
 白圭何為者。妄教水奔瀑。拙矣漢儒論。嘗不辨沱泆。
 如欲儆夏后。只應忘畚築。

暇日讀殷盤誥。喻何淳實。說鬼又說神。懇懇無他術。

安土與重遷。人情所同一。具瞻歸所歸。眾心逸所逸。
 聖賢千萬言。都從此中出。

於戲朱文公。千古道學首。天地大典闡。性情密理剖。
 世教依公明。彛倫依公厚。排之陸於前。斥之王於後。
 陸耶隣黃老。王耶與佛耦。嗟彼盲盲徒。東奔又西走。
 或驅同心曹。搪突互指喉。晚近狡黠者。折衷巧張口。
 陽則擊其說。陰則假其手。我從吾所好。請君休掣肘。

磐溪曰。書懷前後篇。皆知道達理之言。足見學問之有淵源矣。

病隱歌以下七言古詩

古入市隱還朝。隱太隱何論地遠近。二豎有時可憐生。勾引俗吏耽風韻。門揮熟客畫常關。高卧何事可消閑。曾遊山水與心契。舊著篇章隨手刪。書幌風定天將夕。黃雲送雨寒庭械。寄語南山偽隱流。此際真隱情尤適。

漢部公明家村盈德修王博士碑徵詩予匆卒

走筆

日出之方礮。盧洲敗寇有餘文。未優赫赫應神明。天子能叙彝倫為國憂。百濟巨儒名王仁。詔書萬里

遠相求。飄然歸化為。帝師啓沃當年兩心投。梅花美頌何必問。烟火深仁有所由。鄒魯大經始授受。永使皇室奉聖丘。典章文物於斯備。神子神孫紹徽猷。延曆經營惟洛食。大同治教其道修。納款通好鴻臚館。遣使問道鷓首舟。神泉靈囿紅花夕。嗟峨離宮白露秋。諸王宰臣摘麗藻。騷人墨客競風流。就中尤稱群博士。紫宸議論有嘉謀。紀傳明經起俊髦。顯門奕世皆箕裘。學術雖有時污隆。文運綿綿不暫休。方今昇平二百年。古文之政輝神州。馬鄭再變為濂

洛博覽約來為校讐新著年年幾多篇。豈啻充棟與
 汗牛。嗚呼偉哉王夫子。千古功業無匹儔。墓木猶在
 河內野。春去秋來雨露愁。漢生家生素奇士。幾回吊
 古淚不收。漢生來請林公銘。旁使韻士唱歌謳。歲之
 四月將歸鄉。顧余惠然登矮樓。迎笑未遑叙寒暖。先
 說博士事蹟幽。本邦文章祖此叟。子亦莫沐遺澤
 不且謂發軔在再明。一篇兼得結交遊。予也慨然義
 其舉。輕諾今夜詩為酬。載籍曼延徵不得。燈下繙帙
 勞冥搜。徒陳少時傳聞語。并記實事愧三偷。君不見

浮屠者流滿海內。金殿玉塔不計籌。人間未聞有此
 舉行矣。漢生莫滯留。

洞菴先生曰高華雄健光輝四發足驗學力之優
 小竹曰雄篇大作漢生囊中恐無比類半陶曰渾
 渾如長江大河

泊赤馬關

翠華不返空千載。誰向水濱問其臯。豐王黷武征遐
 方。百萬旂艦今何在。皇圖霸業兩茫茫。千古依然舊
 山海。客衣秋盡冷刀環。橫槎夜泊赤馬關。踈星炯炯
 連天濶。羈心紛錯孤燈閑。霜鐘一聲天將曉。高岸烟

霏驚棲鳥朝曦未生沙。先明白浪撥雪看渺漭。徒將
憑吊惻愴情。寄與後來詞藻僚。

節後菊

一叢黃花歷霜摧。斜傍朱欄卧青苔。斯花素自非凡
種。宜在仙人憑虛臺。不託根於曠野淺水之渚。不呈
媚於山僧隱士之侶。封植誤寓侯家庭。九仞牆下荷
寵靈。愛培鬱養過春夏。烟林露滋弄娉婷。曾經重陽
開筵日。公子王孫耽遊逸。登高作賦大夫才。落帽摘
文參軍筆。皆因斯花助風騷。千章萬句辭巧述。歲月

荏苒不暫留。時去物換芳心休。節後賞異節前賞。前
時愛為今時憂。獨抱晚節不負故。傲霜嘲烟見情慙。
風流光彩猶可憐。寧關人主顧。不顧湘澤孤臣幾。斷
腸碧山學士欲焚章。西風斜日秋無賴。唯有寒蝶訪
餘香。

李白醉態圖引

明皇淫色日昏迷。青蓮居士醉如泥。太真恃寵日驕
奢。青蓮居士狂益加。居士飄然非凡骨。豈逐流俗同
汨沒。長庚星光爛煌煌。飛墜人間違天闕。天才英特

喜縱橫。輕財重施。放豪情。嘗隱岷山名夙。著州舉不
就。客任城。召見金鑿殿。奏頌一篇成。恩遇殊賜。食至
尊親調羹。沈香亭上。春將晚。名花傾國相縷繾。天子
有感徵樂章。金殿傳詔入禁苑。左右頰面始解醒。清
平調歌麗且婉。豈圖脫靴釀妖氛。讒口內外日紛紛。
古來小人與艷妻。動相蠱惑誤人君。唐家禍亂不可
測。青蓮居士醉醺醺。

陪公駕抵豐前小倉小休莊三郎宅食鰈魚

赤馬闕西一小亭。暫駐公駕為公廳。逆旅主人意氣

劇。搗勞饗饋滿後庭。有肉如林酒如澗。盃盤浪藉撲
鼻馨。中有魚臠鮮於雪。鑿刀奏來擊為鉶。相顧相笑
指先動。問是此肉何太腥。州人呼之稱大鰈。楊柳浦
頭幾噴薄。風味實與他州異。不脛不爛堪咀嚼。河子
聞此言。慙然似失魂。徐徐聊下筯。一嚼吐奇論。壽永
君臣耽燕許。終趁柳浦自升俎。焉知換骨脫胎於海
濱。鰈魚此是其後身。一齧啖盡公卿肉。三盃澆來聖
賢春。治亂興亡滿胸腹。依然太平沈醉人。

何菴先生曰詞似悍驚不仁意實憑吊惻愴秦韜
王賦唐李亂云內庫燒為錦繡灰天衛路盡公卿

骨以此二句得時
威名子將無同

三州深溝恭拜祖宗諸廟引

深溝之涯古蘭若香華千秋不寥落數世雨露列苔
碑繫是神靈所依託悲風淒涼吹征襟無端惹起竦
敬心一自室町氏失庶黔黎塗炭歲月深天生聖人
三河上神文神武協衆望東伐西征倭后蘇大旗所
向誰相抗於戲吾祖光真公松平好景浮屠謚光真戮力一心
期奇功善明堤畔腥風裏酣戰身斃寵命隆慈公雲
公相繼出似續祖考稱忠實為巢之柵伏水城伊忠

巢謚慈光家忠死伏水謚慈雲三世殉國相紹述誰道武人文事無

兵馬餘暇耽文筆家忠善連歌著日記慶公茅土鎮西鄉奉戴

密旨張政綱恤民彊兵伍伍什富國足食三三糧忠房

謚興慶密旨以下皆其遺事令子令孫相丕承弗愆弗忘由舊章

中有幼主移封事瑞公英明復舊疆慶公幼移封下野安永中瑞公

再封島原府下聞耳臣重熹俯伏廟門額有泚年甫了鬢

侍公宮朝朝夕夕今二紀進退既亡尺寸功何況匡

救與獎美再從封邑三役崎恩遇由来無比似庶幾

公室無事故萬斯之年綏福履

磐溪曰叙祖宗功德典雅雄麗立言得體是為大手筆

芙蓉樓席上與樞宇公子米菴五山同送伯脩
游西京坐有雲潭画嵐山圖分得鳳字

帝昔相宇此承貢。瓜瓞縣縣傳大統。中州清淑氣所
鍾。幾處名區入歌頌。中有峯翠稱嵐山。高表洛西迥
絕衆。春風三月花發時。千枝萬朵張錦幪。大堰之水
渡月橋。不減晉時桃源洞。雲潭畫伯寫其真。千里縮
地供清弄。芙蓉樓上會佳賓。舒卷此圖甚珍重。清香
馥郁拂絹生。使人頓同鈞天夢。牧郎曾抱西游志。展

玩此圖神倍動。飄然振衣不可留。手持画花此相送
到日嵐山見真花。花迎仙郎要吟誦。為言千載朝陽
巔。緣君今日聞鳴鳳。

富嶽 以下五言律

大東無極鎮。寰內絕倫姿。磅礴凝神氣。清高標秀竒。
雲為天下雨。雪受五更曦。何日登山屐。仙宮嘗玉飴。
水亭坐雨三首

新雨生涼夕。商風送暑初。天工看代謝。人事歎盈虛。
萬感逢秋集。孤蹤與世疎。斯心誰共語。顧影獨恬如。

窮郊無外物。流水繞閑居。帶雨蓮房老。戰風梧葉疎。
真應狂裏覓。忙向靜中祛。獨酌三杯後。仰天唯一噓。
涇濛前嶺雨。向夕滿庭除。坐領無由有。始知道集虛。
寒烟荒竹樹。流水冷衣裾。家國非吾事。只應賦遂初。

旅况

春光何處去。一路綠陰迷。柳暗山村外。花殘野渡西。
牧童吹短笛。蠶婦拾柔荑。不解征人意。郭公喚雨啼。

遠山鐘

鐘聲何處至。瀏灑落平湖。烟外遙淒絕。風中却有無。

遺音斜日盡。餘響晚霞孤。遲暮雄心在。愀然歎白駒。
逸響秋蕭索。春容雲一隅。林寒催病葉。天暝送歸鴉。
紫陌千門夕。玉關萬里途。遠傳無盡韻。警動世塵徒。

江上晚晴

水鄉秋氣至。片雨霽孤城。夕照分湖白。餘霞映浪明。
客心鱸膾美。幽意桂蘭生。滿目誰相識。江南一步兵。

送那波如愚歸阿州

南國名家子。寧關鍾氏音。大都常作客。幾日得同吟。
歸思秋聲急。離魂夕照沈。樽前逢耳熱。笑鼓一絃琴。

次韻佐久間小渠

孫綽勞家國。無由顧遂初。丹心三尺劍。舊友一封書。
聞雁驚秋至。看楓愛雨餘。苟忘名與利。坐卧自寬舒。

初夏山居

花盡人踪少。松嵐山更深。幽居無一事。終日倦孤吟。
卧續前宵夢。坐諳太古心。時移閑榻去。樹下聽新禽。

夏夜月

漫賞秋宵影。何如夏夜明。乾坤三象伏。烟水一輪生。
不似金天肅。偏憐玉宇清。洗來午間熱。風露坐深更。

演大學章句義奉贈神戶侯之封

經文千百語。各自取於躬。求入聖人域。要由君子風。
花從誠意發。水與正心融。斯道無今古。請看一氣通。

嘉禾二十韻

丙戌歲封邑有此祥
以下五言排律

周家創業日。漢室再興年。既喜同莖秀。或看異畝聯。
瑞圖齊作嘉。正史幾相傳。本末分文質。木金占後先。
呈祥知美地。表德感蒼天。不惟稱仁卉。恰宜在義田。
茸茸晉武陌。苒苒魯恭阡。燕谷生成遂。雁門教化宣。
黎民能力穡。大政未曾愆。上有春秋省。下無徭役牽。

虞郊各讓畔。滕野爭求廬。東作常平秩。西收故羨全。
今茲殊稔熟。斯物幾蕃鮮。告報從塲圃。委輸達盛筵。
猶含北里露。欲曳東臯烟。二韻兼三韻。總萃又鬱芊。
靈根滋涌液。秀葉吐芳妍。玉燭符休頌。金穰充吉蠲。
懽欣逢盛事。忽漫獻新篇。有始洵如此。慎終更勉旃。

奉送公駕就封八韻

千乘封域舊。三嶽瑞祥新。普賢妙見溫泉。三嶽化及豐山。謂之封內。
前後豐前國。宇佐郡。豐後國。東郡。皆係別封。教宣夷服。馴長崎蠻館。在府。巡視。
幕儀承特旨。閤默巨躬親。恒例奉直旨。今歲以國喪故。閣老傳命。大

樹雖斯鬱。綰條豈不勻。豹鞮輝綠耳。線火拂紅塵。京西達邑。行隊銃手。漸漸無為德。駸駸有脚春。到時敘挾線火。蓋殊例云。
政紀隨處樂天倫。所生母某夫人。及兄弟皆在邑。翹首唯瞻望。恩威遍士民。

錦帶橋八韻

城門悶寂閭。橋板高穹窿。意匠壓倭力。結成奪鬼工。
影疑龍飲水。勢訝鳳翔空。載重愈堅緻。憑虛無杖屨。
非關蜀道棧。直與天閣通。波曳千尋錦。檻懸萬丈虹。
幾逢送別恨。誰學題名雄。如使秦皇見。仙居求海東。

分五瑞壽飯田藩大夫赤川君七十初度得竹
為君稱壽觴我請取於竹貞節全聲名虛心保榮祿
富自傾渭川德可同淇澳翠色表清高繁陰比教育
不關蔣氏三何說李公六代頌用矩言願將介景福

假公園招古賀博士

以下七言律

公園綠樹鬱森森幽邃也知恩寵深丘塢自為一日
賜水泉堪洗千回心魚嫌醉客多潛伏鳥近騷人來
伴吟遺却買山他日念官身暫著薜蘿衾

丙申三月五日墨水集送古賀穀堂氏是歲穀

堂即世越戊戌之春嗣子古賀坤會時彥於墨
水予亦與焉情見於詩

城東來訪舊烟霞蕭寺關心水一涯景象無非當日
賞芬芳豈異昔時花河流杳渺魂何在談笑依違盟
不差但使斯遊長若此幽明何問境區遐

送安元榔原還鄉

霜重江城楓葉摧暮砧聲急遠鴻哀官身憊滯浮雲
際倦客壓捐紅陌埃離席風烟腸易斷故山猿鶴夢
先回休嫌今夕劔羹冷無限交情附一盃

病中示佐復卿六首

朝衣相伴坐平臺。春晚旬餘卧草萊。藥合君臣凝素液。火分文武撥紅灰。踈簾微動餘花落。孤榻閑懸倦蝶來。却覺病床真趣在。擬窺金籙競仙才。

殘鶯宛轉怨空枝。深院人稀白日遲。老去忘憂唯有酒。狂來託興漫題詩。心閑官舍如田舍。身穩敝帷勝繡帷。甕下期君君不至。一場風味又誰知。

簿書叢裡託斯軀。自怪持論皆近迂。移病偶耽歲月靜。傷時暫翫春華敷。蓼蟲計拙嗟之子。蕉鹿夢醒歎

故吾。回首人間何事是。半生世路已崎嶇。

小園花盡柳藏鶯。病眼愁看節物更。每會要機心緒折。徒逢賢玉鬢絲明。枕頭風雨三春晚。衣上塵埃萬感生。世事如今拋擲去。也知同好故人情。

雨撲空窗滴不休。落紅撩亂負春遊。酒浮太白迎人醉。書擁五車從手搜。富貴安知株上兔。功名寧學棘端猴。退朝高卧還堪笑。身是乾坤一贅疣。

掩門靜坐俗紛踈。華髮毵毵也懶梳。聖代猶疑市有虎。豐年嬉戲人其魚。風流徒老陶元亮。謀議久勞陸

敬輿湖海無由晦身跡且甘邱宅數弓居

攝中覽古四首

袞色蒙塵皇業微南山僅保廟堂機
賚良夢自楠柯結敵愾情兼菊萼菲
漢帝不容齊國假秦廷徒見趙家威
溱川一夜悽風裏星落中原恢復非
右溱川攝西之險海門涯萬乘流離駐翠華
白馬下天嘶石壁蒼龍浮海窟泥沙
笛中吹落關山月袖裏詠餘羈宿花
幼主從來何所識釁讎元在宰卿家
右一谷槐門高闕寵恩新妬鬼紛紛窺室
瞋貝錦織成金闕

下星軺辜負紫宸春雨露季女千行淚
海暗孤臣萬里身但有須磨一篇記
辭章溫雅泣征人右天神祠

癸未之春從公駕再經西宮街頭有鸞書者適見管公所著須磨記購去此抵須磨轎中日讀為娛後聯用記中荊谷姬送公至須磨事

繡衣擁節布皇風撫恤三年任始終
長詠先留稻嶺上再遊更約松林中
居民不說寇君美演劇空傳卓女名
姊妹淫祠猶不毀東方惜少狄梁公
右稻葉山

按書記所載行平為因播守而不為攝州仍云立別之吟亦在因而作蓋答居民慕德也事當爾唯紫女源語叙光君遜攝之事引行平故事似有據如夫松風村雨則不足辨近世水府史館所議鑿

確而不

粟津懷古

北來梟將轢神京。驕侈終傷旭日名。帳下美人能舞
戟。幄中隊老獨談兵。韓原戰敗誰相救。大澤途窮誰
不行。暗天一聲何處落。但看芳草趁春生。

送佐渡守本多公再守日光二首

五馬翩翩向日邊。封疆曾識使君賢。高原黃樹迎金
節。台嶽丹霞曳絳旃。開府再沾新雨露。行車無恙舊
山川。明祠已有威靈在。期把流風萬里傳。

森森畫戟衛毛州。廟貌巍然雲一頭。明德英靈光四
海。玉書金簡照千秋。周家蠲祀遵常典。漢代繡衣敷
遠猷。恩澤于今天地洽。登臨寧惹鼎湖憂。

八月初五日黑別莊小集大槻磐溪山内香雪
宮原桐月本間遊清諸子來會

暫借公園放病身。潛魚飛鳥且相親。香厨芳壘生賓
客。明月清風舊主人。矮樹林疎全露嶽。懸流水漲不
浮塵。四郊久已無營壘。一曲謳歌答泰辰。

遊海晏寺楓已殘

霜鐘一夜報秋聲。適會鴻書舒悃誠。兩地襟懷明月
白。索居心事海雲平。單身遮莫無推輓。孤憤從來有
抗衡。燈下悄然憐隻影。夢迷天外武昌城。

訪信光明寺辨信上人

古刹巍然野水濶。登臨不覺一塵侵。雄城昔奪三軍
帥。淨域今開長者金。趺坐鶯啼白日晚。禪枝花謝青
春深。風流非有機緣在。爭得吏人來暢襟。

海晏寺送人 以下五言絕句

紅葉承斜日。山明鳥駭飛。秋聲時一起。人著錦衣歸。

初夏山居

昨夜聞風雨。溪邊心事長。鳥鳴山色綠。花落水痕香。

山水圖

水光湛不流。秋氣滿津樓。落日歸林鳥。殘鐘泊渚舟。

春夢

乍被春風促。遽然往又歸。不知周化蝶。栩栩傍花飛。

詠金魚

浮沈翻錦繡。發刺碎珊瑚。誰言王室燬。頰尾自愉愉。

大石氏遺愛佩刀為赤穗谷立本

石氏當年志凝為三尺霜。一心無曖昧。千古有光鉉。
送浮屠慈銓

落花追逝水。芳草繞池頭。欲說離情盡。杜鵑啼不休。

雜畫

書幌風初定。斜陽靜綠筠。先生知不在。啁雀近窗馴。

畫龍

九似三停已具容。覩然唯未見雲從。嘗諳經籍終無
用。我亦乾坤一畫龍。

牧半陶登嶽有詩見寄次韻

君言一嚙芙蓉雪。直入丹丘為地仙。歸來猶寫人間
字。却怪未忘甲子年。

春夕酒醒

輕寒薄暮徹春衣。始自華胥國裏歸。花外朦朧月生
處。半醒半醉是天機。

訪賴山陽校其所著外史山陽有詩次韻

東方赫赫屬天明。但見葵心向日傾。五畿七道山河
改。叱咤聲為萬歲聲。

紫磨原城內瀑水園待月

幽泉怪石夜沈沈。秉燭華軒更已深。海上頑雲看欲破。金蛇一躍到池心。

僧房雪

祇園白雪滿幽襟。解道安禪不染心。雁塔龍池看欲晚。疎鐘聲裏雨華深。

浪華某生作十三橋圖請余文賦此贈之

客衣嘗歷十三橋。記得秋江去路遙。中有故人相送處。展觀重使我魂銷。

舟發隼人口

文字闕高雁影孤。片帆夜掛海門隅。長風吹月沈雲黑。波上明珠下有無。

畫竹

淨几明窗風日美。此中宜與此君親。似聞戛戛清音細。掃却人間萬斛塵。

楓下鹿遊圖

深霜楓葉掩孤丘。已使鹿兒擅步遊。預約故山歸骨日。洒然伴汝弄清秋。

九月望集天野立藏光。風霽月樓樓舊良齋所。

居

馮檻沈吟幾撚鬚。一樓新月舊清娛。閨前曆迫秋猶淺。老桂飄香侵坐隅。

梅雨近五首

蛙鳴閣閣水烟深。窗隙日輝晴又陰。朝起也知梅雨近。數斑醜黴點綿衾。

偶與隣翁試一犁。水田漠漠望將迷。歸來門逕無人跡。唯有郭公催雨啼。

不見庭槐午影圓。陰雲窗裏日如年。單衣未著猶春

服。送却淒涼四月天。

歸鴉投樹爭深處。老蟻封坑避濕邊。解了一元神宰

力。憑欄靜坐思悠然。

素琴不御雲生壁。弊箒徒橫苔上階。細雨霏微天欲

暮。黃梅自落水之涯。

送渡部生之嶋原生本貫美濃

雄鴻豈向澗溪集。飛搏山東遠出羣。行到蜻洲西盡處。眼穿乍浦半天雲。

聽子規

右各篇之復字句有法稍覺猷勁可嘉
可尚也若夫深溫摸中之此什可謂詩史
筆矣敬啟

天保事印抄冬

龜井 幸室 傳 就

溫山子之東新傳名流遊
其心著造雙乳成家非余
曰舍人心能合其際之結亦加
先以自表舍心度而已矣
攝多又喜氣待杰心途不蘇
携心叩之月且必生愉快

夫心者久 龜是數從

文已評於前書之下 諱工力軍到子
石墜時油河既大凡邦人括於山律
而制於長休每夜而長脫弱枕而杜
集轉身自之于此病如神則須不
孫子

賴跋

得少兒活華一主蒼其遺治家

在古法上十二夜志馬因仁碑善也

此定年言江都賴頑免說作無在

但乃主體不轉半截以下不能令恒律

等一為中心以大可漢王七德子中力

制惟要之治不勝乎世所短則也
所長台不必較也

丁巳十月望日少初序



